



婦人良方

九四

天



婦人良方卷之二十四



陳自明 編

古吳薛 已補遺

後學蔣宗澹

朱雲璈

朱明全校

瘡瘍門

婦人齒唇方論第一

諸骨木梗等咽
見口齒類要

內經云脾氣開於口又云脾之榮在唇蓋燥則乾

熱則裂風則潤寒則揭若腫起白皮皴裂如蠶繭
名曰繭唇有腫重出如繭者有本細末大如繭如
瘤者其因或胎產經行而陰血損或七情動火而
榮血虧或心火傳授脾經或厚味積熱傷脾大要
審本症察兼症補腎水生脾血則燥自潤火自除
風自息腫自消若患者忽畧治者不察內用清熱
消毒之藥外用追蝕線結之法反為敗症慎哉

附治驗

一婦人懷抱久鬱時胃口嘈辣胸膈不利月水

嘈辣

不調補熱食少體倦唇腫年餘此脾經鬱火傷
血用歸脾湯加薑汁炒黃連山梔少佐吳茱萸
嘈辣頓去飲食稍進乃去黃連加貝母遠志胸
膈通利飲食如常又用加味逍遙散歸脾湯間
服百餘劑月水調而唇瘡愈

一婦人懷抱久鬱患繭唇雜治消痰降火虛症
悉具盜汗如雨余謂此氣血虛而有熱也用當
歸六黃湯內黃連黃柏俱炒黑二劑而盜汗頓
止仍用歸脾湯八珍散兼服元氣漸復更以逍

盜汗如雨

出泉

遙散歸脾湯間服百餘劑而唇亦瘥

一婦人唇裂內熱二年每作服寒涼之劑時出血水益增他症此胃火傷血藥傷元氣也余用加味清胃散而愈後因怒唇口腫脹寒熱作嘔此屬肝木乘脾土用小柴胡加山梔茯苓桔梗諸症頓愈復以加味逍遙散調補元氣而愈一婦人因怒唇腫內熱體倦用化痰藥食少作嘔大便不實唇出血水用理氣消導胸膈痞滿頭又不清唇腫經閉用清胃行血肢體愈倦發

唇出泉

涎水湧出

嘔吐酸涎
飲食不入

下血如崩

熱煩躁涎水湧出余以七情傷肝脾攻伐反致他症遂用濟生歸脾食進便實涎止用加味道遙腫消熱退體健後因怒寒熱耳痛胸膈脹悶唇皴腫甚此怒動肝火而傷血用四物合小柴胡加山梔頓愈又因怒胸乳脹腹痛嘔吐酸涎飲食不入小水不利此怒動肝木尅脾土也用補中益氣加川芎芍藥而愈又勞役怒氣傷食發熱喘渴體倦不食下血如崩唇腫熾甚此為肝經有火不能藏血脾經氣虛不能攝血用中補

西足發熱

口苦腸脹

婦人良方

三

益氣加炒黑山梔芍藥丹皮而愈
 一婦人月經不調兩足發熱年餘而身亦熱勞
 則足腿酸疼又年餘唇腫裂痛又半年唇裂出
 血形體瘦倦飲食無味月水不通唇下腫黑余
 謂肝脾血虛火症也彼不信用通經藥而歿
 一婦人忿怒唇腫或用消毒之藥唇脹出血年
 餘矣余曰此肝木剋脾土而血傷也須養脾胃
 化源為主彼執用前藥狀如翻花摑而歿
 一婦人口苦腸脹此肝火症也用小柴胡加山

發熱胸脹

赤熱胸痛

婦人良方

卷之二十四

四

梔黃連少愈更以四君子加芍藥當歸柴胡調
 補脾胃而瘥
 一婦人每怒口苦發熱胸脹此肝火盛而血傷
 也以小柴胡合四物一劑以清火而生血更以
 四物加柴胡白朮茯苓丹皮生血健脾而愈
 一婦人每怒則口苦兼辣胸痛腸脹乳內或時
 如刺此肝肺之火也用小柴胡加山梔青皮芎
 歸桑皮而安後又勞怒口復苦經水頓至此屬
 內火動血得熱而妄行用四物加炒芩炒梔膽

寒熱名也

百中嚼鍊

牙疼寒熱

婦人良方

草一劑而血止更以加味道遙散而元氣復
 一婦人因怒齒痛寒熱作嘔用清胃等藥益甚
 余以為此肝火傷胃寒藥復傷故也用六君子
 加芍藥柴胡山梔而愈
 一婦人胃中嘈辣甚則熱痛後患齒疼此胃中
 痰火也用二陳加芩連下越鞠丸而瘳
 一婦人發熱齒痛日晡益甚月水不調此脾經
 血虛用逍遙散加升麻尋愈後因怒復痛仍以
 前藥加川芎而痊

牙疼寒熱

產後齒齦皆動

舌痛煩熱

一婦人因怒牙疼寒熱此肝火侮脾上用小柴
 胡加芍歸苓朮山梔而疼痛止用加味道遙散
 而寒熱退
 一婦人每產後齒齦皆動踰日乃止此氣血虛
 而火動也後復懷妊臨月余什十全大補湯一
 劑今產後煎服其齒不動如故
 一婦人善怒舌痛煩熱或用降火化痰藥前症
 益甚兩脇作脹又服流氣飲肚腹亦脹經行不
 止此肝虛不能藏血脾虛不能攝血而前藥復

眼疽

臭汗

傷也。用加味歸脾湯加五味子而愈。

一婦人冬患腦疽腫痛熱渴脉洪數實膀胱濕熱上壅用清熱消毒散潰而愈次年舌腫遍身患紫疔如葡萄手足尤多各刺出黑血此脾胃積熱毒也服奪命丹七粒出臭汗瘡熱益甚便秘一日與大黃芩連各三錢升麻白芷山梔薄荷連翹各一錢生草一錢水煎三五沸服之大小便出臭血下體疔稍退入犀角汁再服舌本及齒縫出臭血諸毒乃消更與犀角地黃而愈。

舌本強手足麻

產後喉痛

喉間突腫
加赤楊梅

一婦人善怒舌本強手臂麻此肝木尅脾土治以六君子加柴胡芍藥而愈。

一婦人產後喉痛服清熱等劑益甚此膀胱經血虛也蓋膀胱之內脉上行至喉而還用八珍湯加牡丹皮柴胡酒炒黑黃柏二劑而愈。

一婦人喉間作痛旬餘突腫如赤楊梅狀一月後而腫遍身筋骨作痛余以為此時行楊梅瘡也先以革薺湯數劑而平更以四物加革薺黃芪二十餘劑諸症悉退。

附方藥

清胃散 治醇酒厚味唇齒作痛或齒齦潰爛或

連頭面頸項作痛

黃連炒 當歸 生地黄 牡丹皮各一錢

升麻二錢

右水煎服實熱便秘加大黃

加味清胃散即前方加犀角連翹甘草

涼膈散 治積熱煩渴面赤內熱頭昏咽痛便溺

赤澁狂言譫妄睡卧不安

大黃 朴硝 甘草各一錢 連翹二錢

梔子 黃芩 薄荷各一錢

右水煎服

補黃散 治脾胃虛熱口舌生瘡畏冷飲食

人參 白朮炒各一錢 白芍藥炒 陳皮

甘草炒各五分

右薑棗水煎服

四順清涼飲 加山梔牛蒡子 治臟腑實熱秘結口

舌生瘡

當歸 赤芍藥 甘草 大黃各一錢

右水煎服

人參安胃散 治服峻劑損脾胃口舌生瘡

人參錢 黃芪炒二錢 生甘草 炙甘草各五分

白芍藥七分 白茯苓一錢 黃連炒五分

右水煎服

溫中丸一名入參理中丸 治中氣虛熱口舌生瘡不喜飲

冷肢體倦怠飲食少思

人參 甘草炒 白朮炒各等分

右為末薑汁糊丸桐子大每服五十九白湯下

柳華散 治熱毒口瘡

黃栢炒 蒲黃 青黛真正者 人中白煨等分

右為末敷之

四物湯 治血熱口舌生瘡或牙齦腫潰或日晡

發熱煩躁不安方見本卷第六論

加味四物湯即四物湯加丹皮柴胡山梔

當歸補血湯 治氣血俱虛口舌生瘡熱渴引飲

目赤面紅其脉洪大而虛重按全無方見本卷第十一論

婦人良方

四物二連湯

治血熱口舌生瘡或夜發寒熱

當歸

熟地黃

白芍藥

川芎

黃連炒

胡黃連

各一錢

右水煎服

清咽利膈湯

治積熱咽喉腫痛痰涎壅盛煩躁

飲冷大便秘結

金銀花

防風

荆芥

薄荷

桔梗炒

黃芩炒

黃連炒

山梔炒

連翹各一錢

玄參

大黃煨

朴硝

牛蒡子研

甘草各七分

右水煎服

龍射聚聖丹

治心脾客熱咽喉腫痛或成癰不

消或舌本腫脹口舌生瘡或諸物骨鯁

川芎一兩

生地黄

犀角鎊

羚羊角鎊

琥珀

玄參

連翹各五錢

人參

赤茯苓

馬牙硝

片腦

麝香各三錢

桔梗

升麻各五錢

鉛白霜五錢

硃砂

牛黃各二錢

南硼砂一兩

金箔五十片

婦人良方

卷之二十四

七

右各另爲末和勻蜜丸龍眼大全箔爲末薄苛
湯化下或噙嚙之

拔萃桔梗湯 治熱腫喉痺

桔梗炒 甘草 連翹

山梔炒

薄苛 黃芩各一錢

右竹葉水煎服

甘桔湯 治咽喉腫痛

甘草六錢 苦梗三錢

右水煎服

解毒雄黃丸 治纏喉風腫閉或卒倒死牙關緊

急

雄黃一錢 鬱金一錢 巴豆十四粒 去油殼

右爲末醋糊丸菜豆大用熟茶送下七丸吐頑

痰立甦

奪命丹 治喉閉或疔毒或麻木或嘔吐重者昏

憤若疔毒牙關緊急用三五丸爲末水調灌下

誠有奪命之功

蟾酥乾者 酒化 輕粉各五分 枯白礬 寒水石煨

銅碌

乳香

沒藥

麝香各一錢

硃砂三錢

蝸牛二十箇另研如無亦効

右為末用蝸牛或酒糊為丸如菘豆大每服一二十丸溫酒或葱湯下

換肌消毒散

治時瘡不拘初起潰爛一名草解湯

土茯苓五錢 當歸

白芷 皂角刺炒

薏苡仁各一錢五分

白蘚皮 木瓜不犯鐵器

金銀花 木通各一錢五分 甘草五分

右水煎服

七味白朮散

一名錢氏白朮散

治中氣虛熱口舌生瘡不

喜飲冷或吐瀉口乾方見二十一卷第二論

四君子湯

治脾胃虛熱唇口生瘡食少作嘔太

便不實若肝木乘脾土所致加柴胡芍藥方見本卷

第六論

六君子湯

方見本卷第六論

二陳湯

方見本卷第五論

越鞠丸

方見六卷第七論

補中益氣湯

方見本卷第十論

婦人良方

此

清熱消毒散 方見本卷第五論

犀角地黃湯 方見本卷第二論

當歸六黃湯 方見十九卷第六論

逍遙散

八珍湯

歸脾湯

十全大補湯 四方見本卷第四論

小柴胡湯 方見本卷第二論

婦人耳聾痛方論第二

耳痛屬手少陽二焦或足厥陰肝經血虛風熱或
 怒動肝火而致若發熱熾痛屬二焦厥陰風熱用
 柴胡清肝散若內熱痒痛或脹痛屬肝火傷血用
 梔子清肝散若寒熱作痛或作嘔吐屬肝火傷脾
 用益脾清肝散若口乾足熱為肝腎陰虛用益陰
 腎氣丸若月經先期為血熱用加味逍遙散過期
 為血虛用八珍湯食少體倦為鬱火用加味歸脾
 湯惡寒發熱肢體倦怠為氣血俱虛用十全大補
 湯慎不可專治其外復傷氣血也

附治驗

一婦人耳內外腫痛胸脇不利寒熱往來小便不調余以為肝火傷血先用龍膽瀉肝湯四劑諸症頓退又用加味逍遙散而愈又因怒復作用小柴胡湯而痊

一婦人經行後因勞怒發寒熱耳作痛余以經行為血虛用八珍湯加柴胡怒氣為肝火用加味逍遙散勞役為氣傷用補中益氣加山梔愈一婦人素鬱怒耳作痛腫焮寒熱面色青黃經

西太陽為痛
乳房脹痛

行則變赤用加味歸脾湯加味逍遙散而愈

一婦人性素鬱因怒耳作腫痛經行不止寒熱發熱面青赤肝脉弦數余謂久鬱傷脾暴怒傷肝先用加味小柴胡湯隨用加味逍遙散而痊一婦人因怒發熱每經行兩耳出膿兩太陽作痛胸脇乳房脹痛或寒熱往來或小便頻數或小腹脹悶皆屬肝火血虛先用梔子清肝散二劑又用加味逍遙散數劑諸症悉退乃以補中益氣加五味而痊

嫩連頸項

婦人良方

一婦人耳內腫痛出水寒熱口苦嫩連頸項飲食少思此肝火甚也用小柴胡湯加山梔牡丹皮稍愈用加味逍遙散漸愈用八珍湯加柴胡丹皮山梔調補肝脾而全愈

一婦人耳內外腫痛胃脘不利寒熱往來小便不調此肝經濕熱也用龍膽瀉肝湯四劑諸症頓退用加味逍遙散而全愈又因怒復作用柴胡清肝散而痊

一婦人耳內脹痛內熱口乾勞則頭暈吐痰下

頭暈吐痰下帶

帶此肝脾氣虛也朝用補中益氣夕用加味逍遙散而痊

一寡婦耳內外作痛不時寒熱脉上魚際此血盛之症用小柴胡加生地以抑其血而愈又項間結核如貫珠寒熱晡熱用加味歸脾湯加味逍遙散調補肝脾而愈

一婦人耳內外或作痛或赤腫或寒熱月經旬日而止潮熱內熱自汗盜汗余以為肝脾氣血俱虛而有熱用歸脾湯六味丸而愈

項間結核如貫珠

一婦人性急或耳內作痛或耳外赤腫發熱脇
 脹日晡益甚此怒氣傷肝氣血俱虛朝用加味
 逍遙加黃柏桔梗夕用歸脾湯送地黃丸而愈
 一婦婦耳內外作痛或項側結核內熱晡熱月
 經不調吐痰少食胸膈不利余以為鬱怒傷肝
 脾朝用歸脾湯以解脾鬱生脾氣夕用加味逍
 遙散以清肝火生肝血而愈
 一女子耳下腫赤寒熱口苦月經不調小腹內
 結一塊此肝火氣滯而血凝也先用小柴胡加

山梔川芎丹皮又用柴胡清肝散而痊

附治驗方藥

小柴胡湯 治肝膽經症寒熱往來晡熱潮熱身
 熱默默不欲飲食或怒火口苦耳聾咳嗽發熱
 脇下作痛甚者轉側不便兩脇痞悶或瀉利咳
 嗽或吐酸食苦水皆用此藥王之

柴胡二錢 黃芩炒一錢 人參 半夏各七分

甘草炙五分

右薑水煎服

加味小柴胡湯 治肝膽經風熱耳前後腫痛或

結核癩痛或寒熱晡熱或經候不調等症即小

柴胡加山梔牡丹皮

益脾清肝散 治肝經之症寒熱體痛脾胃虛弱

人參 白朮炒 茯苓各一錢 甘草炒五分

川芎 當歸 黃芪各一錢 柴胡五分

牡丹皮七分

右水煎服

梔子清肝散 治三焦及肝膽經風熱耳內作痒

或生瘡出水或脇肋胸乳作痛寒熱往來

柴胡 牡丹皮 山梔炒各一錢 茯苓

川芎 芍藥 當歸 牛蒡子炒各七分

白朮炒 甘草各五分

右水煎服

柴胡清肝散 治肝膽三焦風熱怒火以致項胸

作痛或頭目不清或耳前後腫痛或寒熱體疼

柴胡 黃芩炒各五分 人參 山梔炒

川芎各一錢 連翹 桔梗各八分 甘草五分

右水煎服

犀角地黄湯 治上焦有熱口舌生瘡發熱或血妄行或吐衄或下血

犀角鎊 生地黃 白芍藥 黃芩炒

牡丹皮 黃連炒各一錢

右水煎服若因怒而患加柴胡山梔

犀角升麻湯 治陽明經風熱牙疼或唇頰腫痛或手足少陽經風熱連耳作痛

犀角鎊 升麻 防風 羌活各一錢

白附子五分 川芎 白芷 黃芩炒各七分

甘草五分

右水煎熟入犀末服

益陰腎氣丸 方見六卷第三論

婦人瘰癧方論第三

婦人瘰癧或因憂思鬱怒或因胎產經行則肝膽脾胃腎受傷以致前症蓋肝傷則血燥血燥則筋攣累累如貫珠多生耳前後胸脇間若寒熱腫痛乃肝氣動而為病用柴胡梔子散以清肝火為主佐

以逍遙散以養肝血若寒熱既止而核不消乃肝經之血亦病矣宜用加味四物湯以養肝血為主佐以柴胡梔子散以清肝火若初生如豈附着於筋肉色不變內熱口乾精神倦怠久不消潰乃肝脾虧損用逍遙散歸脾湯六味丸以健脾土培肝木切不宜用散堅追毒之劑故外臺秘要云肝腎虛熱則生癰矣病機云癰癰不係膏梁丹石之毒因虛勞氣鬱所致補形氣調經脈其瘡當自消散若誤下之先犯病禁經禁矣若久潰不斂脈浮大

邪火盛也面色晄白金尅木也皆不治凡癰癰赤脈貫瞳子有幾條則幾年死無則可治

附治驗

一婦人患前症久而不愈或以為水旺之症不宜於春預用散腫潰堅湯腫硬益甚余以為肝經虧損用六味地黄丸補中益氣湯至春而愈此症若肝經風火自病元氣無虧可用散堅瀉青之劑若肝自損虧或水不生木用地黃丸若金來尅木須補脾土生腎水若行攻伐則脾胃

少寐月經不通

傷而反致木尅土矣。

一婦人患之少寐年餘而潰膿水淋漓月經或五六十日一至至悞服通經丸展轉無寐午前惡寒午後發熱余謂思慮傷脾用歸脾湯作丸午前以六君子送下午後以逍遙散送下兩月餘得寐半載後經行如期年餘而瘡愈。

一婦人潰後發熱煩躁作渴脉大而虛此血虛也以當歸補血湯六劑而寒熱退又以聖愈湯數劑而全愈更以八珍加貝母遠志而瘡斂。

潰後發熱煩躁

噯氣

吞酸噯氣

一癰婦面黃體倦噯酸噯氣余謂中氣虛弱欲用補中益氣加茯苓半夏不信反降火利氣胸膈痞滿癰瘡腫痛又散堅利氣噯氣不絕大便不實四肢時冷余曰今變中氣虛寒矣用六君加薑桂少用升麻柴胡漸愈佐以補中湯尋愈一婦人患此噯氣用降火清胃食少吞酸胸膈痞悶用利氣消導吐痰氣促飲食日少用清熱化痰大便堅澁內熱身瘦余曰吞酸噯氣脾胃氣虛也胸痞痰喘脾肺氣虛也大便秘澁內熱

遍身作痒

日瘦脾肺血虛也遂以補中益氣加炒黑吳茱萸二分數劑佐以六味丸諸症頓退乃用歸脾湯逍遙散間服而愈

一婦人患前症遍身作痒脉大而虛此氣血俱虛不能榮於腠理以十全大補湯治之而愈入凡潰後午前痒作氣虛午後痒作血虛若作風症治之必死

一婦人項核腫痛察其氣血俱實先以必效散一服去之更以益氣養榮湯三十餘劑補之而

消蓋此症初起而血氣虛弱者先用前湯待氣血稍充乃用必效散以去毒仍用補藥無不效若已成膿即針而補托之氣血復而核不消服散堅之劑不應而氣血如故仍以必效散養榮湯又不應灸肘尖肩髃二穴用豆豉餅琥珀膏自愈若氣血壯實不用追蝕亦能自腐用藥以腐之者使易於收斂耳若血虛而用追蝕不惟無益適以取敗凡不慎飲食七情者不治

附方藥

當歸川芎散 治手足少陽經血虛瘡症或風熱耳內痒痛生瘡出水或頭目不清寒熱少食或經水不調胸膈不利腹脇痞痛小便不調

當歸 川芎 柴胡 白朮炒

芍藥炒各一錢 山梔炒一分 牡丹皮

茯苓各八分 蔓荊子 甘草各五分

右水煎服

若肝氣不平寒熱往來加柴胡地骨皮肝氣實熱加柴胡黃芩肝脾氣血虛熱加參芪熟地脾

虛飲食少思倍加白朮茯苓脾虛胸膈不利加人參黃芪脾虛痰滯胸膈不利加半夏肝氣不順胸膈不利加水香肝虛小腹痞滿或時作痛加熟地脾血不足小腹作疼加肉桂日晡發熱加熟地

加味地黃丸 治肝腎陰虛諸症或耳內痒痛出水或眼昏痰喘或熱渴便澁等症

乾山藥 山茱萸肉 牡丹皮 澤瀉 白茯苓 熟地黃自製 生地黃 柴胡

五味子 各另為末等分

右將二地黃酒拌杵膏加蜜丸桐子大每服百丸空心白湯下如不應加減八味丸

人參養榮湯 治潰瘍寒熱四肢倦怠體瘦少食

面黃氣短不能收斂大瘡愈後多服之庶不變他症也

白芍藥 一錢五分 人參 陳皮 黃芪 炒

桂心 當歸 白朮 炒 甘草 炙各一錢

熟地黃 製自 五味子 杵炒 茯苓 各七分 遠志 去心炒五分

右薑棗水煎服

瀉青丸 治肝經實火脇乳作痛或惡寒發熱大便秘結

當歸 龍膽草 炒 川芎 山梔 炒

大黃 炒 羌活 防風 各等分

右為末蜜丸桐子大每服三四丸白湯下若陰血不足肝火血燥用四物加山梔柴胡或逍遙散加丹皮山梔若腎水虧損不能生肝木而筋攣結核或肢節拳搯或似中風涎痰上湧用六

味九料煎服

生地黃丸 治師尼寡婦室女乍寒乍熱或頸間

結核肝脉弦長而出魚際

生地 一兩酒 拌杵膏

秦艽 黃芩

硬柴胡 各五錢

赤芍藥 一兩

右為末入地黃膏加煉蜜少許丸桐子大每服
二十九丸烏梅煎湯下日進二十服

連翹飲子 治肝膽經氣帶瘰癧結核或乳內結

核者

連翹

川芎

瓜蒌仁 研 皂角刺 炒

橘葉

青皮

甘草節 桃仁 各一錢

右水煎服

散腫潰堅湯

治瘰癧堅硬氣血無虧者宜用

升麻

連翹

當歸尾 酒拌 白芍藥 炒

黃栢 酒炒

葛根

三稜 酒拌 微炒 廣木 各三分

龍膽草 酒炒 桔梗 炒

昆布 知母 酒炒

瓜蒌根 各五分 柴胡 四分

甘草 炙五分 黃芩 酒炒四分半

右水煎服

必効散 治瘰癧未成者消已潰者斂須元氣無

虧者可服若孕婦禁餌

南鵬砂 二錢 輕粉 錢一 斑猫 四十枚去頭翅同

巴豆 五粒去殼心膜 麝香 錢五 白檳榔 一箇

右為末每服一錢五更用滾湯調下如小水瀉
滯或微痛此瘰癧欲下也進益元散一服即下
此方斑猫巴豆以為峻厲然用巴豆乃解斑猫
之毒用者勿畏

益元散

滑石 末六錢 甘草 末一錢

右每服一錢白湯調

琥珀膏 治頸項或腋下初結小核漸如連珠潰
而膿水不絕或漏症者

琥珀 兩一 丁香 桂心 硃砂

木香 松香 白芷 防風

當歸 木鱉子 肉 木通 各五錢 麻油 二斤

右先用琥珀等六味為末其餘藥入油煎焦黑
濾去香徐徐入黃丹再煎軟硬得中入前末即

成膏矣

針頭散 治一切頑瘡內有瘀肉或癰核不化瘡口不合宜此藥腐之

赤石脂錢五 乳香

白丁香 砒霜生用

黃丹各一錢 輕粉

麝香各五錢 蜈蚣一條炙乾

石為末搽瘀肉上其肉自化若瘡口小用糊和作細條陰乾紙之凡瘡久不合者內有膿管必須用之

逍遙散

歸脾湯

二方見本卷第四論

柴胡清肝散

梔子清肝散

二方見本卷第二論

補中益氣湯

方見本卷第十論

四物湯

加味四物湯

六君子湯

三方見本卷第六論

六味丸

當歸補血湯

二方見本卷第十一論

婦人良方

卷之二十四

婦人結核

三

聖愈湯

方見本卷第九論

益氣養榮湯

方見本卷第五論

灸肩髃肘尖法

見本卷末

婦人結核方論第四

婦人結核皆因鬱怒虧損肝脾或因胎產經行失於調養或因暴怒觸動膽火若結於項側耳前或於胸脇腫痛或發寒熱屬膽經風熱怒火宜用柴胡清肝散加鈞藤山梔以養血氣清肝火若結於肉裡其色不變晡熱內熱屬肝火血虛宜用加味

逍遙散加龍膽草以養肝血清肝火或結於肢節或累累如貫珠其色不變亦肝火血燥而筋攣宜用柴芍參苓散加鈞藤以養血氣佐以六味丸以生腎水若時消時作此氣滯而痰結也用歸脾六君二湯以調和脾肺之氣並佐以海藻丸若潰而核不腐或肉不生或膿水清稀肌寒肉冷自汗盜汗寒熱內熱面色痿黃食少體倦便利不調者五臟皆虛也但用補中益氣加味六君子二湯調補脾胃以滋諸臟則各症自退故經云形傷則痛氣

婦人結核

卷之二十四

三

傷則腫慎不可輕用行氣破血之劑以復傷也

附治驗

一婦人項結核寒熱頭痛脇脹乳痛內熱口苦小便頻數屬肝火血虛用加味四物而愈又用加味逍遙散調補肝脾而安

一婦人經事不調肢體結核如榛如豆不計其數隱於肉裡其色不變三年餘矣大按則痛或投以降火消毒乃不按自痛發熱作渴日晡益甚經水過期左關脈數此肝火血燥用清肝益

榮湯六十餘劑而愈惟項核未消又以當歸龍薈丸數服及八珍加柴胡山梔三十餘劑而痊一婦人久鬱怒胸脇內股外廉各結核寒熱往來經候不調胸膈不利飲食少思大便不調左關弦洪左寸弦數右關弦緊右寸弦浮余謂左關弦洪肝經熱也左寸弦數木生火也右關弦緊肝剋脾也右寸弦浮木侮金也法當生肝血遂用加味四物湯而諸症退用加味逍遙散而經候調用加味歸脾湯而全愈

婦人因怒肢體結核。睡中發搐。左關弦洪。余曰此爲肝火血燥筋攣。當清肝火養元氣。遂用加味小柴胡湯。加味道遙散。漸愈。又用八珍湯加牡丹皮柴胡山梔釣藤而愈。

一婦人肢體結核。胸腹痞悶。氣泄稍寬。余謂此肝脾鬱滯。不信服降火行氣化痰病愈甚。而氣愈虛。余用加味道遙加味歸脾間服半載。而痊。一婦人項間結核。不時寒熱。左目緊小。頭項振掉。四肢抽搐。此肝火血虛風熱也。用加味道遙

加釣藤數劑。諸症漸愈。又用八珍湯調理。而痊。一婦人耳內耳後項側結核。作痛。寒熱口苦。月經不調。此肝膽經火而傷脾胃也。用四君柴胡丹皮及六味地黃而愈。

一婦人因怒結核。經行不止。發熱晝安。靜而夜譫語。此血分有熱也。用小柴胡加生地頓安。其核尚在。經候先期。肝脈弦數。此肝火血涸而筋攣也。用加味道遙加生地月經如期而核消。一婦人項臂結核。頭痛寒熱。乳內時疼。兩脇嫩

痛余以爲肝脾鬱火而血燥先以加味逍遙散
再用加味歸脾湯而愈

一婦人素鬱怒患前症內熱喘熱久而不愈若
面色痿黃則月經過期而少若面色赤則月經
先期而多余曰面黃過期脾經虛弱也面赤先
期脾虛火動也朝用補中益氣升舉脾土以益
氣血夕用加味逍遙滋養肝血以息陰火復以
歸脾湯解鬱結半載元氣復而痊又有患前症
因脾虛下陷而發熱乃專治其瘡變瘵而歿

一女子耳下結核焮痛寒熱此屬肝經風熱用
梔子清肝散一劑諸症悉愈後因怒耳後并額
兩角作痛寒熱此兼少陽經症仍以煎藥加羌
活一劑而痊

一婦人項患五核時常寒熱肝肺弦長而出寸
口此血盛無耦之症也用小柴胡湯加生地烏
梅治之而愈

一婦人腹中結塊誤認血驚服驅逐之藥下血
甚多致肢節間結核治法見二十一卷第十一論

附方藥

八珍湯 治脾胃傷損惡寒發熱或煩躁作渴或因脾胃虧損膿水清稀久不能愈等症即四君四物一湯相合方見本卷第二論

十全大補湯 治瘡瘍胃氣虛弱腫痛不消或潰而不斂或自汗盜汗食少體倦或寒熱作渴頭痛眩暈或似中風又治氣血俱虛胸腹脇痛或作脹滿或骨節作痛經候不調或寒熱嘔熱五心煩熱或吐血咽乾頭痛眩暈眼目昏澁或痰

嗽喘促胸膈虛痞或嘔吐泄瀉手足冷熱即八珍湯加黃芪肉桂

加味逍遙散 治肝脾血虛有熱遍身搔痒或口燥咽乾發熱盜汗食少嗜臥小便澀滯等症又治癩癧流注虛熱等瘡

- | | | | | | | |
|----|-----|----|----|-----|----|-----|
| 甘草 | 炙 | 當歸 | 炒 | 芍藥 | 酒炒 | 茯苓 |
| 白朮 | 炒各錢 | 柴胡 | 一錢 | 牡丹皮 | | 山梔 |
| | | | | | | 炒五分 |
- 右水煎服

逍遙散即前方去丹皮山梔

歸脾湯 治脾經失血少寐發熱盜汗或思慮傷脾不能攝血以致妄行或健忘怔忡驚悸不寐或心脾傷痛嗜卧少食或憂思傷脾血虛發熱或肢體作痛大便不調或經候不準晡熱內熱或瘰癧流注不能消散潰斂

人參

白朮炒

黃芪炒

白茯苓

龍眼肉

當歸

遠志

酸棗仁炒各

木香

甘草炙各

五分

右薑棗水煎服

加味歸脾湯

即前方加柴胡山梔

柴朮參苓湯

治肝火血熱遍身瘙痒或起赤暈

或筋攣結核

白朮炒

人參

茯苓各一錢

柴胡

川芎

山梔炒

芍藥炒

甘草炒各

五分

熟地自製

當歸各八分

右水煎服

柴芍參苓散

治肝膽經部分結核瘰癧瘤瘕等

症或肝血燥熱脾氣虛弱發熱少食

柴胡

芍藥炒

人參

茯苓

白朮炒

山梔炒

陳皮

當歸

牡丹皮

甘草各五分

右薑棗水煎服

清肝益榮湯

治肝膽經風熱血燥筋攣結核或

作瘕子

柴胡

山梔炒各五分

當歸錢一

龍膽草

酒拌炒黑五分

川芎

芍藥炒各錢一

熟地黃白朮製

白朮炒

木瓜

不犯鐵器

茯苓各五分

甘草三分

薏苡仁五分

右水煎服

清熱涼血飲

治風熱血燥丹毒等症大便秘結

當歸

川芎

大黃炒

芍藥炒

生地黃

各一錢

神効開結散

消瘰塊甚効

沉香

木香各二錢

橘紅四兩

珍珠

四十九粒入砂罐內以塩泥封固煨赤取出去火毒用

猪厭肉子

四十九枚用豚猪者生項間如棗子大

右爲末每服一錢臨卧酒調徐徐嚥下患小者

婦人良方

三五服大者一劑可愈切忌酸醎油膩滯氣之物須用除日於靜室修念

海藻散堅丸 治肝經癭瘤

海藻 昆布 各二兩 小麥 四兩醋 煮晒乾

柴胡 二兩 龍膽草 酒拌炒 焦二兩

右為末煉蜜丸桐子大每服一二三十丸臨卧白湯送下禁化蟻之尤好凡患癭瘰服調治之藥未應宜佐以前一藥

九味柴胡丸 方見本卷第八論

梔子清肝散

柴胡清肝散 二方見本卷第二論

生地黃丸 方見本卷第三論

婦人流注方論第五

婦人流注或因憂思鬱怒虧損肝脾或因產後勞役復傷氣血以致營氣不從逆於肉理腠理不密外邪客之或濕痰流注或跌撲血滯或產後惡露則氣流而注血注而凝或生於四肢關節或流於胸腹腰臀或結塊或漫腫皆屬虛損急用葱熨及

婦人良方 卷之二十四

三

益氣養榮湯則未成者自消已成者自潰若腫起
作痛起居如常飲食如故屬病氣有餘形氣未損
者尚可治若漫腫微痛起居倦怠飲食少思屬形
氣病氣俱不足最為難治不作膿或膿成不潰氣
血虛也用八珍湯憎寒畏寒陽氣虛也十全大補
湯補熱內熱陰血虛也四物加參朮作嘔欲嘔胃
氣虛也六君加炮薑食少體倦脾氣虛也補中益
氣加茯苓半夏四肢逆冷小便頻數命門火衰也
八味丸小便頻數痰盛作渴腎水虧損也六味丸

月經先期不日而止肝脾虛弱也月經過期多日
不止肝脾虛熱也八珍湯加柴胡丹皮丸潰而寒
凝瘡口不斂者用豆豉餅祛散之其潰而有膿管
不斂者用針頭散腐化之若不補氣血不節飲食
不禱起居不戒七情或用寒涼尅伐者俱不治

附治驗

一婦人左臂患之年許不潰堅硬不痛脈弱少
食月經過期日晡發熱勞怒則痛此形氣虛而
逆於肉裡也與參芪歸朮川芎芍藥熟地貝母

遠志香附桔梗丹皮甘草百餘貼而消。

一婦人因暴怒而腰腫一塊或胸膈不利或走氣作痛此營氣鬱滯與方脉流氣飲數劑而止更以小柴胡對四物加香附貝母月餘而愈

一婦人因怒脇下腫痛胸膈不利脉息沉滯此營氣鬱遏而為腫用方脉流氣飲數劑少愈以小柴胡對二陳加青皮桔梗貝母數劑頓退更以小柴胡對四物二十餘劑而痊

一婦人因閃胸肩腫遍身作痛用黑丸子二十服

而痛止又用方脉流氣飲二十劑而腫消更以二

陳對四物加香附枳殼桔梗而愈

一婦人患此遇勞必痛衆手按之痛止屬氣血

俱虛用十全大補湯六味九道遙散而痊

一婦人先肢體作痛後患流注發熱惡寒食少

脇脹月經不調痰盛喘嗽五心煩熱健忘驚悸

盜汗無寐悉屬肝脾虧損氣血不足用十全大

補加味歸脾兼服諸症悉痊

一婦人素頭暈患流注月經遲少此屬中氣虛

弱用補中益氣湯而愈後因勞仕地月經如湧
此勞傷火動用前湯加五味子一劑而愈

一婦人患前症用行氣化痰藥胸膈不利飲食
少思用疎利之藥大便作泄中滿不食余為脾
胃復傷用補中益氣湯加煨薑脾胃健飲食進
用六君加芎歸百餘劑而愈

一婦人素鬱結肩臂各腫如覆杯余以肝脾虧
損用加味逍遙散百餘劑元氣復而腫消後勞
役怒氣經行不止服涼血之劑其血如崩余以

此因脾氣復傷下陷而血從少之朝用補中益氣
夕用加味歸脾而愈

一婦人懷抱鬱結不時心腹作痛寒熱倦怠服
行氣化痰等劑遍身結核大小不一二十餘枚
諸藥不應余用加味歸脾湯而愈

一婦人腿患筋攣骨痛諸藥不應脈遲緊此肝
脾氣血虛弱而寒氣之變也用大防風湯一劑
頓退又一劑而安又一婦患之亦然先用前藥
一劑更服黑丸子而痊此一患若不早治以致

內潰必成敗症矣

一婦人患前症潰後發熱余以為氣血俱虛不信乃服敗毒表散之藥果發熱竟至不救夫潰瘍雖有表症發熱宜以托裏為主佐以表散之劑况於瘰癧流注乎

附方藥

仙方活命飲 治一切瘡瘍未成者即散已成者即潰又止痛消毒之良劑也

白芷

貝母

防風

赤芍藥

當歸尾

甘草節

皂角刺

炒

穿山甲

炙

大花粉

乳香

沒藥

各一錢

金銀花

陳皮 各三錢

右用酒一大碗煎五七沸服

托裡消毒散 治瘡疽元氣虛弱或行攻伐不能潰散服之未成即消已成即潰腐肉即去新肉即生

人參

黃芪

鹽水拌炒

當歸

川芎

芍藥 炒

白朮 炒

茯苓 各一錢

金銀花

白芷 各七分 甘草 五分

右水煎服

托裡散 治瘡瘍因氣血俱虛不能起發或腐潰不能收斂及惡寒發熱者

人參 氣虛多用之 黃芪 炒各一錢 白朮 炒

陳皮

當歸

熟地黃 自製 茯苓

芍藥

酒炒各一錢

右水煎服

益氣養榮湯 治懷抱抑鬱癰癤流注或四肢患腫肉色不變或日痛發熱或潰而不斂

人參

茯苓

陳皮

貝母

香附

當歸

川芎

黃芪

益水拌炒

熟地黃

酒拌

芍藥

炒各一錢

甘草

炙

桔梗

炒各五分

白朮

炒二錢

右薑水煎服

木香餅

治氣滯結腫因肺風寒所傷作痛

木香

五錢

生地黃

一兩

右木香為末地黃杵膏和勻量患處大小作餅置患處以熱熨斗熨之腫痛悉退

二陳湯 治中脘停痰飲食少思嘔逆等症

陳皮去白 茯苓 半夏各一錢 甘草灸五分

右水煎服

方脉流氣飲 治惱怒胸膈脹滿或肢體作痛或

結壅腫血氣無虧方見第三卷第七論等症

隔蒜灸法 治一切瘡毒大痛或不痛或麻木如

痛者灸至不痛不痛者灸至痛其毒隨火而散

用大蒜頭去皮切二分厚安瘡頭上用艾壯於

蒜上灸之二十壯換蒜復灸未成者即消已成者

亦殺其大勢不能為害如瘡大用蒜搗爛攤患

處將艾鋪上燒之蒜敗再換仍服托裏之劑如

不痛或不作膿不起發者不治此氣血虛極也

神効葱熨法 治虛怯人肢體患腫塊或不痛或

作痛或風襲於經絡肢體疼痛或四肢筋攣骨

痛又治流注跌撲傷損腫痛用葱頭細切杵爛

炒熱敷患處冷易之再熨腫痛即愈其効如神

此外補陽氣而運散壅滯之法也

豆豉餅 治瘡瘍腫硬不潰或潰不斂并一切頑

瘡惡瘡用江西豆豉為末唾津和作餅大如錢厚如三文置患處加艾壯於上灸之乾則易之若背瘡大者用漱口水和餅覆患處鋪艾於上灸之如未成者則消已成者能殺其毒有不效者乃氣血虛也為不治

大防風湯

方見本卷第九論

八珍湯

方見本卷第三論

十全大補湯

方見本卷第九論

六君子湯

四物湯 二方見本卷第六論
補中益氣湯 方見本卷第十論
八味丸
六味丸 二方見本卷第十一論
針頭散 方見本卷第三論
小柴胡湯 方見本卷第二論
黑丸子 一名和血定痛丸 方見本卷第九論
婦人血風瘡論第六
婦人血風瘡因肝脾肺經風熱或鬱火血燥所致

婦人良方
其外症或身發疔瘡搔痒或如丹毒痒痛或搔破膿水淋漓其內症月經失常小便不調夜熱內熱自汗盜汗惡寒增寒肢體倦怠飲食不甘寒熱往來若發熱作痛屬肝經風熱用當歸飲加柴胡山梔若寒熱作痛屬肝脾鬱火用小柴胡加山梔黃連若疔瘡搔痒屬肺經風熱用清熱消風散若經候失常內熱晡熱屬肝脾血虛用加味道遙散若肢體倦怠寒熱往來屬肝脾氣虛用加味四君子加柴胡丹皮若夜熱作渴或兼譫語乃血分有熱

用小柴胡加生地黃血虛用四物合小柴胡若無寐盜汗內熱晡熱乃脾經血虛用歸脾湯兼寒熱加山梔若愈後身起白屑搔則肌膚如帛所隔此氣血虛不能榮於腠理用十全大補湯若用風藥以治其外則陰血復傷反致他症矣

附治驗

一婦人素清苦四肢患之誤服敗毒藥晡熱內熱自汗盜汗月經不行口乾咽燥夫四肢者脾之所主當調養脾血其病自愈用歸脾湯數劑

而愈

一婦人性躁患之寒熱口苦脇痛耳鳴腹脹溺
清年餘矣此屬肝火傷脾用四君子加柴胡炒
山梔炒龍膽數劑更與逍遙散兼服而瘡愈又
與六味丸及逍遙散七十餘劑而愈

一婦日嘔身痒月餘口乾又月餘成瘡服祛風
治瘡藥膿水淋漓于前畏寒午後發熱殊類風
症余謂肝火傷脾外邪所搏先用補中益氣加
山梔釣藤又以逍遙加川芎貝母而愈

一婦瘰癧發熱日晡益甚皮膚赤暈月經過期
此血虛而熱也以逍遙散加熟地熱止痒退更
以四物柴胡參芪炙草茯苓調理遂愈

一婦懷抱久鬱患前症膿水淋漓服連翹消毒
散食少胸痞服清氣化痰湯作嘔吐痰服清熱
化痰丸煩熱畏寒四肢燠熱面目赤色脉大無
功余謂脾胃虧損而虛寒隔陽氣於外用六君
子湯加炮薑治之諸症稍愈飲食頓進佐以四
物湯諸症漸愈又以四君子每味一錢四物湯

婦人良方
每味五分諸症全愈後因勞晡熱體倦懶食小
腹痞嗝小使澀滯自用四物黃柏知母晡熱尤
甚更煩渴眩暈余以脾氣下陷用補中益氣湯
漸愈乃佐以逍遙散而安後月經至如崩前症
復作此脾氣傷而不能統血血虛而陰火動也
仍用補中益氣而痊

一女十歲善怒遍身作痒用柴胡川芎山梔
芍藥以清肝火以生地當歸黃芩以涼肝血以
白朮茯苓甘草以健脾土而愈半年後遍身起

赤瘰或時眩暈此肝火熾甚血得熱而妄行是
夜果經至

附方藥

當歸飲 治血熱癰疹痒痛膿水淋漓發熱等症

當歸 白芍藥 川芎 生地黃

白蒺藜 炒 黃芪 各一錢 防風 荆芥

何首烏 不見鐵器 甘草 各五分

水煎服

四君子湯 治胃氣虛弱或因尅伐以致腫不消

散潰不收斂者宜用此藥調補脾胃諸症自愈
若誤用攻毒七惡隨至若飲食少思或食難化
或欲作嘔或大便不實瘡口出血吐血便血尤
宜用之凡氣血俱虛之症宜用前湯但加當歸
則脾胃健飲食進陰血生若用四物沉陰則脾
胃復傷反致他症若命門火衰而脾土虛寒者
必用八味丸以補土母

人參 白朮 茯苓 甘草
右薑棗水煎服

加味四君子湯 治前前方四君子加川芎當歸

六君子湯 治症同前即四君子湯加陳皮半夏
各一錢若中氣虛寒假熱誤服寒涼尅伐以致
四肢發熱口乾舌燥嘔吐此因寒氣隔陽於外
須更加姜桂不應急加附子

四物湯 治血虛或因失血或因尅伐或因潰後
以致肺熱內熱煩躁不安若脾虛不能生血者
宜四君加當歸并酒炒白朮以補脾土其血自
生若血虛發熱誤服寒涼尅伐之劑以致發熱

婦人良方

作渴目紅面赤脉洪大而虛此血脫煩躁急用

當歸補血湯

當歸酒拌一錢熟地黃三錢自製芍藥炒一錢川芎一錢

右水煎服

加味四物湯即四物加柴胡牡丹皮山梔

神效當歸膏治一切瘡瘍搔痒疼痛去腐肉生

新肉其效如神如洗拭換膏必須預備即貼之

新肉畏風故也如用白蠟尤好此藥生肌止痛

補血續筋故與新肉相宜

當歸

生地黄

黃蠟

各一兩麻油六兩

右先將當歸地黃入油煎黑去渣入蠟溶化候

冷攪勻即成膏矣如用白蠟減半

滋陰腎氣丸方見六卷第三論

小柴胡湯方見本卷第二論

歸脾湯

逍遙散一方見本卷第四論

六味丸方見本卷第十一論

補中益氣湯方見本卷第十論

婦人赤白遊風方論第七

婦人赤白遊風屬肝經怒火血燥生風或脾經鬱結血虛生熱或腠理不密風邪外襲其症或疙瘡瘙痒或膿水淋漓白屬氣而赤屬血因得風而遊行也若肝經血燥用柴胡清肝散肝經怒火用梔子清肝散肝經血熱用加味四物湯肝火血虛用六味地黃丸脾經鬱熱用加味歸脾湯肝脾血虛風熱用加味逍遙散若因風邪鬱熱所致用荆防敗毒散或專用祛風之劑肝血愈燥則血隨火化

反為敗症矣

附治驗

一婦人素清苦因鬱怒患前症晡熱內熱自汗盜汗月經不行口乾咽燥余謂此鬱氣傷脾乃以歸脾湯數劑諸症稍退後兼逍遙散五十餘劑而愈一婦人患此性躁寒熱口苦脇痛耳鳴腹脹溺瀉乃肝脾血虛火旺也用六君加柴胡山梔龍膽散劑更與逍遙散兼服漸愈又與六味丸逍遙散七十餘劑諸症悉退

一婦人患前症誤服太麻風藥破而出水煩渴頭
 暈誠類風症六脉洪數心肝脾為甚余曰風自火
 出此因怒火脾胃受邪血燥而作非真風症也與
 逍遙散六味丸以清肝火滋脾血生腎水而愈
 一婦人患前症久不愈食少體倦此肝脾虧損陰
 虛發熱也先用補中益氣加川芎炒梔元氣漸復
 更以逍遙散而瘡漸愈
 一婦人身如丹毒搔破膿水淋漓熱渴頭暈日瞞
 益甚用加味逍遙散而愈

一婦人患赤遊風瞞熱痒甚余用清肝養血之劑
 不信乃服太麻風藥臂痛筋攣又服化痰順氣之
 劑四肢痿弱又一婦患前症數用風藥煎湯泡洗
 以致腹脹並歿
 一女子赤暈如霞作痒發熱用加味小柴胡加生
 地連翹丹皮而愈大凡女子天癸未至婦人月經
 不調受驚着惱多有此症

附方藥

消風散 治風寒癢疹痒痛或膿水淋漓頭皮腫

痒

荆芥穗

甘草炙

陳皮

人參

茯苓

白僵蠶炒

防風

芎藭

藿香

羌活

蟬蛻各一錢

厚朴姜製五分

右水煎服

大連翹飲 治風熱熱毒或赤白遊風表裏比日受

患者

連翹

瞿麥

荆芥

木通

赤芍藥

蟬蛻

甘草

防風

柴胡

滑石

山梔炒

黃芩炒

當歸各一錢

右水煎服

當歸飲 治風熱赤白遊風作痒或瘙破膿水淋

滴等症

四物湯 治赤白遊風血虛發熱或肺熱頭目不

清或煩躁不寐或胸脇作痛等症

六君子湯 治脾氣虧損皮膚瘙痒或應疹不消

三方見本
卷第六論

卷之二十四

婦人良方

加味小柴胡湯 治肝膽經風熱怒火赤白遊風

或寒熱往來晡熱潮熱身熱或口苦耳聾等症

方見本卷第二論

加味逍遙散 治血虛有熱遍身搔痒赤白遊風

發熱晡熱等症

逍遙散即前方去丹皮山梔

歸脾湯 治脾經血虛瘙痒發熱少寐盜汗等症

三方見本卷第四論

荆防敗毒散 方見本卷第十論

婦人痿症方論第八

一名便癱一名便毒俗名痞子

婦人痿症或肝經濕熱下注或鬱怒傷損脾肝其
外症或兩拘小腹腫痛或玉門焮腫作痛或寒熱
往來憎寒壯熱其內症或小便澀滯或腹內急痛
或小腹痞悶或上攻兩脇或晡熱重墜若兩拘小
腹腫痛肝經濕熱壅滯也用龍膽瀉肝湯玉門腫
脹肝火血虛也用加味逍遙散及龍膽瀉肝湯加
木香若槩投散血攻毒之劑則誤甚矣

附治驗

一婦人拘中赤腫脹痛此膿內作用托裏消毒散加柴胡數劑潰而膿清寒熱乃氣血復虛用托裡散而寒熱止用十全大補百餘劑而斂

一婦人腹拘腫痛寒熱口苦或時帶下此肝經濕熱不利也用龍膽瀉肝湯而腫痛消用加味逍遙散而寒熱退

一婦人腹拘腫痛小水不利時或胸乳作痛脇腹作脹此肝火氣滯用四物柴胡青皮玄胡索木香而愈

一婦人拘中作痛小腹痞悶小便不利內熱體倦飲食少思此肝火內動脾胃受傷也用加味歸脾湯柴胡清肝散而安

一婦人拘中腫脹小腹作痛服下血之劑其痛益甚更吐瀉少食余以為肝脾復傷用六君子湯加升麻柴胡而愈

一婦人兩拘腫痛腹內一塊不時上攻月經不調小便不利余以為肝脾氣滯而血傷以四君加芎歸柴胡山梔而愈後因鬱怒前症復作兼胸滿腹

脹盜汗此肝木甚而傷脾土也用加味歸脾湯下
蘆薈丸而痊

一婦人小腹內或作痛或痞悶兩拘腫痛內熱寒
熱胸膈不利飲食不甘形體日瘦此肝氣滯而脾
氣傷也朝用補中益氣湯夕用蘆薈丸漸愈更用
六味地黃丸全愈

一婦人兩拘腫痛小腹痞脹白帶時下寒熱往來
小水淋瀝余作肝氣滯而血病用龍膽瀉肝湯漸
愈又用加味逍遙散六味地黃丸全愈

一婦人患前症胸膈脹悶或小水不利或時腹痛
此肝火氣病先用龍膽瀉肝湯以清肝熱又用加
味逍遙散以生肝血六味地黃丸以滋腎水而愈
一婦人患前症余以為肝脾鬱怒不信另服化痰
利氣之劑胸腹愈脹又服峻利疎導之劑變脾虛
發腫而歿

一婦人患前症內熱作渴飲食不甘肢體倦怠陰
中作梗小便赤澁此脾經鬱結肝經濕熱用加味
歸脾湯而愈後因怒復作小腹脹痛用小柴胡加

山梔芎歸痛止又用加味道遙而愈

一婦人兩拘作痛寒熱內熱小便赤澀脇肋不利此肝火動而脾氣傷也用補中益氣湯加茯苓數劑少愈又與加味歸脾湯諸症悉退再用加味道遙散而愈

一婦人小腹痞悶溺澀內熱體倦懶食此肝火動而脾血傷也用入珍加柴胡山梔膽草而安

一婦人陰中如梗兩拘腫痛寒熱不食小便頻數小腹重墜余以為肝脾鬱怒所致先以補中益氣

加茯苓山梔車前子青皮以清肝火升脾氣更以加味歸脾湯調理脾鬱而愈

附方藥

龍膽瀉肝湯 治肝經濕熱兩拘腫痛或腹中疼

痛或小使澀滯等症

龍膽草 酒拌 澤瀉 各一錢 車前子 炒

木通 生地黃 酒拌 當歸 酒拌 山梔 炒

黃芩 炒 甘草 各五分

右水煎服

九味柴胡湯 治肝經濕熱下注便毒腫痛或小
腹脇肋結核凡肝膽經部分一切瘡瘍或風熱
結核瘰癧

柴胡

黃芩

炒各一錢

人參

山梔

炒

半夏

龍膽草

炒焦

當歸

芍藥

炒

甘草

各五分

右水煎服

蓋蒼丸 治肝氣不和尅侮脾胃而患諸症或三
焦肝膽經風熱目生雲翳或疔熱瘰癧耳內生

瘡寒熱作痛肌體消瘦發熱作渴飲食少思肚
腹不調或牙齒蝕落頰頰腐爛下部生瘡等症

蘆薈

錢五

胡黃連

當歸

芍藥

炒

龍膽草

酒浸炒焦

川芎

蕪荑

各一兩

木香

甘草

炒各三錢

右爲末用米糊丸麻子大每服五十丸滾湯下
加味小柴胡湯

小柴胡湯 治肝經下部腫脹小便不利或寒熱
往來或嘔熱潮熱或胸脇作痛

二方見本
卷第三論

加味逍遙散 治肝脾血虛濕熱流注下部諸症
發熱晡熱寒熱

加味歸脾湯 治脾肝鬱怒下部諸症寒熱晡熱
少食無寐或經候不調 二方見本卷第四論

補中益氣湯 治元氣下陷下部重墜或晡熱寒
熱少食體倦或因過服寒涼之藥所致 一方見本卷十論

加味四物湯 方見本卷第六論
八珍湯 治氣虛寒熱晡熱或寒熱往來下部諸

症 二方見本卷第三論

婦人鶴膝風方論第九

婦人鶴膝風症因胎產經行失調或鬱怒虧損脾
肝而為外邪所傷或先腿脚牽痛或先肢體筋攣
既而膝漸大 腿漸細如鶴之膝故名之也若腫高
赤痛者易治漫腫不赤痛者難治一二月潰而膿
稠者易治半載後潰而膿清者難治設用攻伐已
損元氣尤為難治也 大要當固元氣為主而佐以
大防風湯若食少體倦者六君子湯為主 晡熱內
熱者逍遙散為主 寒熱往來者八珍湯為主 發熱

婦人良方
惡寒者十全大補湯為主少寐驚悸者歸脾湯為主
月經過期者補中益氣湯為主月經先期者加味
逍遙散為主凡潰後當大補脾胃若膿出反痛或
寒熱煩渴等症皆屬氣血虧損一於培補度保終
吉

附治驗

一婦人久鬱怒胸脇不利內熱寒熱經候不調遍
身酸痛余謂胃氣虧損先用補中益氣湯加半夏
茯苓二十餘劑胃氣漸醒又用大防風湯與歸脾

湯膝腫漸消用加味逍遙散大防風湯而全消又
用八珍湯加牡丹皮調理氣血而安

一婦人患前症腫痛寒熱先用大防風湯一劑又
用加味逍遙散四劑月餘腫痛漸退惑於速効另
服祛風敗毒虛症蜂起仍用大防風為主佐以十
全大補而消又服大補湯兩月餘而痊

一婦人患前症兩拘中腿股筋牽作痛內熱寒熱
此肝火氣滯之症先用加味小柴胡湯四劑後以
加味逍遙散為主佐以大防風湯而消又患痢後

兩膝腫痛寒熱往來用十全大補湯為主佐以大
防風湯而仍消

一婦人患之雖潰而腫不消朝寒暮熱飲食不思
經水二四月一至此屬肝脾氣血俱虛也用補中
益氣加味歸脾一湯各二十餘劑腫漸消而寒熱
止又佐以大防風月餘而能步履再月餘經行如
期又服六味丸八珍湯二月而斂

附方藥

大防風湯 治陰虛邪襲腿膝腫痛等症

防風

附子 炮

牛膝 酒浸

白朮 炒

羌活

人參 各一錢

川芎 五分

肉桂 一錢

黃芪 炒一錢

芍藥 炒

杜仲 去皮姜汁拌炒

甘草 炙各五分

熟地黄 自製一錢五分

右水煎服

黑丸子

一名和血定痛丸

治跌撲墜墮筋骨疼痛或瘀血

壅腫或外感風寒肢體作痛若流注膝風初結
服之自消若潰而膿清與補氣血藥自斂孕婦
勿服

婦人良方

卷

百草霜兩一 白芍藥兩一 南星

川烏各炮三錢

白欬 赤小豆各一兩六錢

白朮

當歸 骨碎補焙各八錢

牛膝焙六錢

右為末酒糊丸桐子大每服三十丸鹽湯溫酒

任下

聖愈湯 治血虛心煩睡卧不寧或五心煩熱

地黄酒拌蒸半日 生地黄酒拌 黃芪炙

人參 川芎 當歸各一錢

右水煎服

六味丸 方見本卷第十論

逍遙散

加味逍遙散

八珍湯

十全大補湯

歸脾湯 五方見本卷第四論

補中益氣湯 方見本卷第十論

四物湯

六君子湯 二方見本卷第六論

婦人良方 卷之二十四

卷

婦人下注廉瘡方論第十

婦人兩廉生瘡或因胎產飲食失宜傷損脾胃或因憂思鬱怒虧損肝脾以致濕熱下注外邪所搏外廉屬足三陽可治內廉屬足三陰難治若初起發腫赤痛屬濕熱所乘用入參敗毒散或槓蘇敗毒散若漫腫作痛或不腫不痛屬脾虛濕熱下注補中益氣湯氣血俱虛入珍湯若膿水淋漓體倦少食內熱口乾屬脾氣虛弱補中益氣加茯苓酒炒芍藥若午後頭目不清屬脾虛陰火用前湯加

熟地芍藥若午後發熱倦怠屬氣虛血弱用前湯加川芎熟地若懷抱鬱怒屬脾氣不舒用歸脾湯加川芎山梔若內熱體倦痰涎口瘡屬脾腎虛熱用六味丸若肢體畏寒飲食少思屬脾腎虛寒用八味丸太抵色赤屬濕熱易治色黯屬虛寒難治設誤用攻伐復傷胃氣多變瘵症

附治驗

一婦人兩廉生瘡漸至遍身發熱吐痰口燥咽乾盜汗心煩足熱小便赤濇日晡益甚此腎足三陰

虛火也用加味道遙散六味丸而愈

一婦人患前症四畔微赤作痛重墜膿水淋漓胃
膈不利飲食少思內熱口苦夜間少寐此鬱結傷
脾血也用歸脾湯解鬱結生脾血用補中益氣加
茯苓半夏補脾氣除濕熱尋愈

一婦人久不愈色赤微熱日晡熾腫形體虛弱飲
食少思勞則喘渴惡寒發熱此為脾虛下陷用補
中益氣湯而愈

一婦人患已三年色黯腫硬惡寒發熱飲食少思
形體消瘦作渴飲湯飲食稍多或腹脹或泄瀉或
作嘔或作酸此脾氣虛寒也用補中益氣加乾薑
五分五十餘劑而愈

一婦人患此因步履勞復惡寒發熱倦怠懶食而
瘡出血此元氣虛而不能攝血歸經也用補中益
氣湯而愈

一婦人患之因怒寒熱頭眩或耳項腦脇脹痛或
小腹陰道悶墜或小便頻數下血此屬肝火血熱
先用小柴胡加炒黑山梔芍歸車前一劑諸症悉

退又用加味道遙而愈後因飲食勞倦則症復作瘡口出血用補中益氣湯而安

一婦人患將兩月焮腫赤痛小便頻數飲食如常此濕毒甚而氣血虛先用活命飲一劑去其濕毒又用八珍湯調補氣血而愈

一婦人患此焮痛惡寒發熱此濕熱乘於足三陽經分用檳蘇敗毒散而寒熱退用仙方活命飲而焮痛止再用補中益氣湯而形氣健

附方藥

人參敗毒散

治瘡瘍焮痛寒熱或拘急頭痛

人參

羌活

獨活

前胡

柴胡

桔梗

枳殼

茯苓

川芎

甘草

各一錢

右水煎服

檳蘇敗毒散即人參敗毒散加檳榔紫蘇

補中益氣湯

治元氣虛損或因尅伐惡寒發熱

倦怠少食或不能消散生肌或兼飲食勞倦煩熱作渴

婦人良方

黃芪炒

人參

白朮

甘草炙

當歸各一錢

陳皮五分

柴胡

升麻各三分

右薑棗水煎空心午前服

烏沉湯 生氣血補心腎上損者服之其効勝大

建中湯

人參

當歸

白朮炒各二兩

烏藥

沉香各半兩

附子炮去皮尖

白茯苓各一兩

肉桂去皮半兩

右為末每服二錢薑棗水煎空心服

金鎖正元丹 治真氣不足四肢怠惰脚膝酸疼

目暗耳鳴自汗盜汗一切虛損之症

五倍子二兩

紫巴戟去心四兩

補骨脂酒浸炒二兩半

硃砂七錢另研

肉蓯蓉焙四兩

葫蘆巴炒四兩

茯苓去皮二兩

龍骨煨一兩

右為末酒糊丸桐子大每服二十九空心溫酒

或鹽湯下

平補鎮心丹 治心血不足時或心忡驚悸夢如

高隊常服安心腎益榮衛

硃砂

細研半兩為衣

人參五錢

龍齒

一兩五錢

婦人良方

卷之二十四

七

白茯苓

五味子炒

車前子炒

茯神

麥門冬

肉桂

遠志

天門冬

山藥

酸棗仁

去皮尖二錢五分

熟地黃

右為末蜜丸桐子大每服三十丸空心温酒下

威喜丸 治小便白濁

黃蠟

白茯苓

出曬乾不用猪苓

四兩一塊同猪苓一兩於磁器內煮二十沸取

右以茯苓為末鎔蠟丸彈子大每服一丸空心

細嚼津液嚥下小便清利為度忌食米醋

小柴胡湯

方見本卷第八論

加味道遙散

八珍湯

歸脾湯

三方見本卷第四論

仙方活命飲

方見本卷第五論

六味丸

八味丸

二方見本卷第十一論

婦人足跟瘡腫方論第十一

婦人足跟足指腫痛足心發熱者皆因胎產經行失於調攝虧損足三陰虛熱所致若腫痛或出膿用六味丸為主佐以八珍湯胃虛懶食佐以六君子湯寒熱內熱佐以逍遙散補熱益甚頭目不清佐以補中益氣湯痰盛作渴或口舌生瘡亦用前二藥以滋化源大凡發熱晡熱內熱自汗盜汗等症皆陰虛假熱也故丹溪謂火起九泉陰虛之極也蓋足跟乃督脉發源之所腎經所過之地若不求其屬而泛用寒涼則悞甚矣然俗謂爲鬼嚙瘡

者蓋獵人被兔咬足跟久而不斂氣血瀝盡其人必死男子酒色過度者多患此症

附治驗

一婦人素血虛因大勞兩足發熱晡熱月經過期或用四物苓連飲食少思胃痞吐痰用二陳枳實黃連大便不實吐痰無度足跟作痛余曰足熱晡熱月經過期肝脾血虛也胃痞吐痰飲食少思脾胃氣虛也蓋胃爲五藏之根本胃氣一虛諸病悉至先用補中益氣加茯苓半夏脾胃漸健乃佐以

六味丸補脾腎不兩月而痊

一婦人經候不調發熱晡熱胃膈不利飲食少思服清熱寬中消導之劑前症益甚更兼肢體酸痛服除濕化痰等藥經候兩二月一至服通經降火之劑足跟足指作痛其熱如炙余以為足三陰虧損用補中益氣六味地黃兩月諸症漸退又用前湯并八珍湯兩月而康

一婦人足跟患腫兩腿酸軟或赤或白或癢或痒後或如無皮或如皸裂日晡至夜脹痛熾熱此屬足三陰虛損用加減八味丸及逍遙散加熟地川芎百餘劑而愈

一婦人勞則足跟熱痛余作陰血虛用八珍而痊後遍身搔痒服風藥發熱抽搐肝脉洪數此肝家血虛火盛而生風以天竺膽星為丸用四物麥門五味苓連炙草山梔柴胡煎送而愈

一婦人兩足發熱足跟作痛日晡熱甚余謂腎肝血虛用逍遙散六味丸五十餘劑諸症悉愈

附方藥

婦人良方

當歸補血湯 治脾胃損傷或因服峻劑致血氣

俱虛發渴引飲日赤面紅晝夜不息其脉洪大
而虛重按全無若誤服白虎湯必死

黃芪炙一兩 當歸二錢
酒製

右水煎服

六味丸一名六味地黃丸 此壯水制火之劑夫人之生以

腎為主人之病多由腎虛而致者此方乃天一
生水之劑無不可用若腎虛發熱作渴小便淋
秘痰壅失音咳嗽吐血頭目眩暈眼花耳聾咽

喉燥痛口舌瘡裂齒不堅固腰腿痿軟五藏虧
損自汗盜汗便血諸血凡肝經不足之症尤當
用之蓋水能生木故也此水泛為痰之聖藥血
虛發熱之神劑又治肝腎精血不足虛熱不能
起寐即八味丸去附子肉桂

八味丸 治命門火衰不能生土以致脾胃虛寒
而患流注鶴膝等症不能消潰收斂或飲食少
思或食而不化或臍腹疼痛夜多漩溺經云益
火之源以消陰翳即此方也

熟地黃

自製八兩

山茱萸肉

山藥

各四兩

牡丹皮

茯苓

澤瀉

各三兩

肉桂

用三分

厚者去皮取肉

分詳方

能補腎引虛火

附子

用一兩五錢

重者切四塊

用童便

浸數日

火煨切看無白星為度

右為末蜜丸桐子大每服七八十九滾湯下

六君子湯

方見本卷第六論

補中益氣湯

方見本卷第十論

八珍湯

逍遙散

二方見本卷第四論

婦人肺癰方論第十二

仍參外科樞要

婦人肺癰因外邪內蘊或七情鬱火誤行汗下重
 亡津液以致肺氣受傷而惡風咳嗽鼻塞項強胃
 脇脹滿呼吸不利吐痰臭濁膿血腥穢若咳嗽喘
 急寒邪在表也小青龍湯咳嗽胃脹寒邪內壅也
 葶藶大棗湯肺湯脇脹咳唾腥臭膿已成也桔梗
 湯咳嗽短氣或小便短少肺氣虛也佐以參芪補
 肺湯體倦少食或喘嗽短氣脾肺虛也佐以參朮
 補脾湯作渴飲冷午前嗽甚胃火盛也竹葉石膏
 湯作渴內熱午後嗽甚陰血虛也六味丸四物湯

婦人良方
口乾飲湯體倦少食胃氣虛也補中益氣湯加五
未麥門口乾內熱咳唾痰涎腎水虛也六味丸益
氣湯黃昏熱或嗽甚陰火熾也六味丸四物湯加
五味麥門五更嗽或痰甚脾肺虛也六君子湯嗽
而不得眠及兩脅痛肝火血虛也六味丸益氣湯
大凡前症因外淫所侵當祛邪而實土因心火太
過當伐木而補金若肺氣虛弱當補脾土而生肺
金若陰火上炎當補脾肺以滋腎水然而發熱喘
嗽咳唾膿血飲食不入皆脾土不能生肺金肺金

不能生腎水之敗症苟能純補脾土而生諸藏多有復生者若用寒涼脾胃復傷則肺金失養腎水益涸虛火上炎薰蒸於肺吾未見其能生之者其唾膿血脈浮大面色赤者俱難治若陰火妄動或勞嗽吐膿血者尤難治若膿自止脈浮短濇及始萌者易治

附治驗

一婦人素血虛發熱咳嗽服痰火之劑後吐膿血面赤脈數其勢甚危此膿成而氣血虛也余用八

珍湯補元氣桔梗湯治肺癰而愈

一婦人感冒風寒或用發表之劑反咳嗽喘急飲食少思胃膈不利大便不通右寸關脉浮數欲用疎通之劑余曰此因脾土虧損不能生肺金若更利之復耗津液必患肺癰矣不信仍利之虛症悉至後果吐膿余朝用益氣湯夕用桔梗湯各數劑吐膿漸止又朝仍用前湯夕用十全大補湯各五劑喜其善調理獲愈

一婦人咳嗽吐痰胃膈作痛右寸關浮滑項下牽

強此脾胃積熱之痰非癰患也以一陳山梔白木桔梗治之而痊

一婦人素血虛內熱時咳甲辰孟冬兩尺浮洪以脾胃不健請治余曰當防患肺症丙午孟春果咳嗽左右寸脉洪數肺癰也膿已成左寸脉仍洪數乃心火尅肺金夏令可憂余用壯水健脾之劑稍愈彼遽自忽不事調攝果歿於夏令

附方藥

青龍湯 治肺經受風寒咳嗽喘急

婦人良方

半夏湯泡

乾薑

細辛

麻黃去節

肉桂

芍藥

甘草炙各一錢

五味子炒五分

附子炮五分

右水煎服

葶藶大棗湯

治肺癰胸膈脹滿上氣喘急

或身面浮腫鼻塞聲重用葶藶炒黃研末每服

三錢先用棗十枚水煎去棗入藥再煎食後服

桔梗湯

治肺癰咳而胸膈隱痛兩肢腫滿咽乾

口燥煩悶作渴濁唾腥臭

桔梗炒

貝母去心

當歸酒拌

瓜蒌仁

枳殼炒

薏苡仁微炒

桑白皮炒

甘草節

防已去皮各一錢

黃芪鹽水拌炒

百合蒸各一錢半

五味子炒

甜葶藶炒

地骨皮

知母炒

杏仁各五分

右薑水煎服

人參補肺湯

治肺癰腎水不足虛火上炎咳唾

膿血發熱作渴小便不調

人參

黃芪炒

白朮

茯苓

陳皮

當歸各一錢

山茱萸去核

山藥各二錢

婦人良方

卷之二十四

七

婦人良方

五味子杵 麥門冬 甘草炙各七分 牡丹皮錢一

熟地黃自製一錢五分

右姜水煎服

參芪補脾湯 治肺症因脾氣虛弱咳唾膿涎中

滿不食宜兼服此藥以補脾土生肺金上

人參 白朮各二錢 黃芪炙二錢半 茯苓

當歸 陳皮各一錢 升麻三分 五味子四分杵

炙甘草五分

右姜水煎服

人參平肺散 治心火尅肺金患肺痿咳嗽喘嘔

痰涎壅盛胃脘痞滿咽嗑不利

人參 青皮 茯苓 天門冬

陳皮各一錢 地骨皮一錢 甘草炙五分 知母七分

五味子十粒杵 桑白皮炒一錢

右姜水煎服

竹葉石膏湯 治胃火盛而作渴者

淡竹葉 石膏煨 桔梗炒 木通

薄荷 甘草各一錢

婦人良方 卷之二十四

婦人良方

右姜水煎服

竹葉黃芪湯 治癰疽氣血虛胃火盛而作渴

淡竹葉 錢二 黃芪 炒 麥門冬 去心 當歸

川芎 甘草 炒 黃芩 炒 芍藥 炒

人參 半夏 石膏 煨 生地黃 各一錢

右水煎服

二陳湯 方見本卷第五論

六味丸 方見本卷第十一論

補中益氣湯 方見本卷第十論

四物湯

六君子湯 二方見本卷第六論

十全大補湯

八珍湯 二方見本卷第四論

婦人腸癰方論第十三

婦人腸癰因經行產後瘀血或七情飲食所致其症小便如淋發熱惡風身皮甲錯腹皮腫急按之軟如腫狀或腹脹大轉側有水聲或繞臍生瘡或大便出膿其脉遲緊者膿未成用活命飲以解其

婦人良方

卷之二十四

七

毒脉骨數者膿已成用雲母膏以下其膿若一二年
間遍身微腫大腸與臍出膿此息積之症也多致
不救內經云腸癰為病不可驚驚則腸斷而死其
坐卧轉側宜徐緩時嘗少飲薄粥靜養調理庶可
保生

附治驗

一婦人小腹腫痛小便如淋此毒結於內用神効
瓜萸散一劑少愈又薏苡仁湯二劑乃痊
一婦人小腹痛而有塊脉芤而濡此瘀血為患以

四物加玄胡索紅花桃仁牛膝木香一劑血下而
愈

一婦人小腹脹痛大便秘濇轉側有水聲脉洪數
以梅仁湯一劑頓下諸血諸症頓退以薏苡仁湯
二劑而痊

一婦人小腹脹痛小便不利脉滑數此膿已成也
服太乙膏五錢膿下甚多脹痛頓退以瓜萸散蠟
礬丸托裏藥而安

一婦人因經水多服藥止之致腹作痛以失笑散

一服而瘳又用加味逍遙散數劑而經調
一產婦惡露停滯小腹作痛服瓜仁湯下瘀血而
痊凡瘀血停滯急宜行之緩則腐化為膿最為難
治若流注關節則患骨疽多為敗症

附方藥

瓜子仁湯 治產後惡露未盡經行瘀血停滯小

腹作痛或成癰患

薏苡仁

四兩 去皮

牡丹皮

瓜蒌仁

各一兩

右每服五七錢水煎

敗醬散

治脉數身無熱腹無積聚按之軟濡此

為腸癰久積陰冷所成

薏苡仁

二兩 炮半

敗醬草

一兩二錢五分

右每服四錢水煎以小便利為度

牡丹湯 治腸癰腹軟而痛時下膿血

牡丹皮

人參

天麻

白茯苓

黃芪

炒

薏苡仁

桃仁

去皮

白芷

當歸

酒炒

川芎

各一錢

官桂

甘草

炙各五分

木香

三分

右水煎服

大黃湯 治腸癰小腹堅腫按之則痛肉色如故
或焮赤微腫小便頻數汗出憎寒脉遲緊未成
膿者宜服之

大黃炒 朴硝各一錢 牡丹皮 瓜蒌仁炒

桃仁去皮尖 各二錢

右水煎服

梅仁湯 治腸癰雍痛大便秘澁

梅仁九箇去皮尖 大黃炒 牡丹皮

芒硝各一錢 冬瓜仁研三錢

犀角鎊末一錢

右水煎入犀角末服

神仙太乙膏 治一切癰疽不問膿之成否並宜
貼之更作丸服

玄參 白芷 當歸 肉桂

生地黃 赤芍藥 大黃各一兩 淨黃丹十三兩

右用麻油二斤入銅鍋內煎黑濾去渣入黃丹
十二兩再煎滴水中捻軟硬得中即成膏矣如
軟更加丹雲母膏固効卒難修合太乙膏亦可

神効黃礬丸 最解毒止痛

白礬 未一兩 明亮者 黃蠟 半兩 黃色者 焙 開一方用七錢

右和衆手丸 桐子大 每服三十丸 滾湯下如服
金石發疽 更用白礬末一兩 作三五服 以溫酒
調下 若遍身生瘡如蛇頭 服之尤効 此藥能解
毒氣內攻也 須多服 方驗 亦治蛇咬 熔化乘熱
滴傷處 毒即出 痛即止 仍服兩許
失笑散 治產後心腹絞痛 或血迷心竅 不知人事
及尋常腹內瘀血積血作痛

五靈脂 去砂 土炒 蒲黃 炒各 等分

右爲末 每服一二錢 溫酒調

活命飲 方見本卷第五論

神効瓜萋散 方見本卷第十四論

四物湯 方見本卷第六論

加味逍遙散 方見本卷第四論

乳癰乳巖方論第十四

經云 乳頭屬足厥陰肝經 乳房屬足陽明胃經 若
乳房忽壅腫痛結核 色赤數日之外 焮痛脹潰 稠

膿湧出膿盡而愈此屬膽胃熱毒氣血壅滯名曰乳癰為易治若初起內結小核或如鼈棋子不赤不痛積之歲月漸大巉巖筋破如熟榴或內潰深洞血水滴瀝此屬肝脾鬱怒氣血虧損名曰乳巖為難療治法焮痛寒熱宜發表散邪腫焮痛甚宜疎肝清胃或不作膿膿成不潰宜用托裏或肌肉不生膿水清稀宜補脾胃或膿出反痛惡寒發熱宜補氣血或腫焮作痛晡熱內熱宜補陰血或飲食少思時作嘔吐宜補胃氣或飲食難化泄瀉腹

痛宜補脾氣或勞碌腫痛宜補氣血怒氣痛腫宜養肝血慎不可用尅伐之劑復傷脾胃也乳巖初患用益氣養榮湯加味道遙加味歸脾可以內消若用行氣破血之劑則速其亡

附治驗

一婦人內熱脇脹兩乳不時作痛口內不時辛辣若卧而起急則臍下牽痛此帶脉為患也用小柴胡加青皮黃連山梔二劑而差

一婦人因怒兩乳腫兼頭痛寒熱此肝經氣症也

腦下之痛
帶脉為患

兩乳腫硬
肝經氣証

乳內腫硬
肝經血証也

熱渴至夜甚
熱入血分

熱

用人參敗毒散二劑表症已退用小柴胡加芎歸
枳殼桔梗四劑而愈

一婦人久鬱右乳內腫硬此肝經血症也用八珍
加遠志貝母柴胡青皮及隔蒜灸兼神效瓜蒌散
兩月餘而痊

一婦人先熱渴至夜尤甚後兩乳忽腫肝脈洪數
乃熱入血分用加味小柴胡湯而愈

一婦人因怒左乳作痛發熱因表散太過腫熱殊
甚用益氣養榮數劑熱止膿成因不即針益腫脹

胸膈不利
肝脾氣滯

熱渴針之膿大泄仍服前湯月餘而愈

一婦人因怒左乳作痛胃膈不利此屬肝脾氣滯
以方脈流氣飲加木香青皮四劑而安

一婦人膿清腫硬面黃少食內熱晡熱自汗盜汗
月經不行此肝脾氣血俱虛也用十全大補加遠
志貝母及補中益氣各二十餘劑外用葱熨法而
消

一婦人膿成脹痛余欲針之不從至數日針出敗
膿三四碗許虛症蜂起幾至危殆用大補之劑兩

婦人良方

月餘始愈

一婦人素弱多鬱患時疫後脾胃愈虛飲食愈少因怒右乳脇紅腫應內作痛或用炒麩皮熨之內痛益甚服加減四物湯腫勢愈大胸脇背心相引而痛余謂病後脾弱怒復傷脾用八珍加陳皮黃芪柴胡山梔白芷八劑稍愈去白芷加青皮木香桔梗又六劑而安

一婦人左乳內腫如桃不痛不赤發熱漸瘦此肝脾鬱怒也用八珍加香附遠志青皮柴胡百餘劑又兼神効瓜萸散二十餘劑膿潰而愈

一婦人久鬱左乳內結核如杏三月不消心脉滯脾脉大按之無力此肝脾氣血虧損以八珍加貝母遠志香附柴胡青皮桔梗五十餘劑而消

一婦人真寶性躁懷抱久鬱左乳內結一核按之微痛此皆氣血鬱滯以連翹飲十餘劑少退更以八珍加青皮香附桔梗貝母二十餘劑而消

一婦人有乳內結二核年餘不消朝寒暮熱飲食

不甘此肝脾氣血虧損內服益氣養榮湯外以米香餅熨之年餘血氣復而消

婦人乳內結核年餘哺熱少食余謂此血氣不足欲用益氣養榮湯彼反服行氣之劑潰出清膿而歿又一婦乳內結核如粟亦服前藥大如覆碗堅硬如石出血水而歿已上皆乳巖

附方藥

神效瓜蒌散 治乳癰及一切癰疽初起腫痛即消濃成即潰膿出即愈

瓜蒌一箇爛研 生粉草 當歸酒洗各半兩


乳香 沒藥各一錢

右用酒煎服良久再服若肝經血虛結核久而不消佐以四物柴胡升麻白朮茯苓甘草若肝脾氣血虛弱佐以四君芎歸柴胡升麻若憂鬱傷脾氣血虧損佐以歸脾湯

玉露散 治產後乳脉不行或身體壯熱頭目昏痛大便澀滯等症

人參 白茯苓 桔梗炒 川芎

白芷 當歸 芍藥 甘草 各一錢 五石水 煎服



灸肩尖肘尖一穴圖 即肩髃肘髃

此穴治瘰癧之秘法蓋瘰癧屬肝膽二經故患
 耳前後項腋之間男子多因恚怒虧損肝經之
 血陰火內作或不慎起活耗損腎水不能生肝
 血婦女多因恚怒傷肝火動血燥或鬱結傷脾
 火動血耗或患於胸乳間亦屬於前經此症若
 因恚怒傷肝氣血壅遏而不愈者宜灸此穴疎
 通經絡若因久於鬱怒元氣虧損而不愈當推
 其所屬而調補化源如取其穴當以指申搯兩

婦人良方

肘兩肩四所患處覺酸麻是其穴見男子治驗
要婦人見殺註婦人良方小兒見保嬰粹要

婦人良方卷之二十四終

承應三年甲曆二月日

行刊

Handwritten notes in cursive script at the bottom left of the page.

